

# Б и ч к н х ö ö ч

—Чи ундан хөч көдлхэр бэнч?—гидж колхозин ахлач А. И. Соловьев сурв.

—Э...—гидж Нина хэрү өгв.

—Кедүтэвч?

—Арвн зургъатав.

—Арвн зургъатавч? Тегэд чи хө хэрүлхдэн дурлджакч? Хө хэрүллгэн гидгчнь ик даалгъврта деерэн чини чидлэс ирш угá. Медвч?—гидж колхозин ахлач келв.

—Мини эк-эцкм наснаннь туршарт колхозин хөд хэрүлдж өскдж йовла, тедү мет хөч болхар би бас шиидв. Авгэм Окна Сандж хошдан намаг авч дасхк саната—гидж Нина келв.

—Колхозин нергä хөч Окна Сандж зөв өгсн болхла, би чигн буру гиджэхшив, тиигхлэ одад терүнэс хө-хэлэдж асрлгъиг дас—гидж ахлач күүкнэ сандж йовсн санаг төвкнүлв.

Давсн джилин хаврин түрүгъяр Окна Санджин хошд Нина ордж, авгътагъан хойурн чидл-күчэн кедж йовх көдлмштэн өгв.

—Чи эврәннь көдлмштэн дуртач, терчнь сэн, эн көдлмшиг ганцхн дурар күцэдмн биш. Хэлэджэх хөдэн гариннь тавн хургэнла äдлär ме-

дх зөвтэвдн, тер төлэд сургъуль-медрл кергтэ болдмн—ода энүнэсн библиотек орад хөчин дегтр авч ирдж умшх кергтэ—гидж ач күүкндэн селвг авгънь өгв.

Эн цагин эргэд келжэх көдлмшиннь дамшлт сәнär медж гэсн Нина, уурмуд дундан ик тоомсрта хөч бөлв.

Колхозин правлень энүнэ күцлттэ көдлмшинь темдглад, тер хошднь хойрдгч хөчär батлв.

Өдгä цагт Нинан хэрүлдж йовх хош Хар газрт үвлэджәнä. Хөдэн таргэн-цатхлнгар бärдж цагтнь өвс-усинь өгч хэләнä. Эн отарт хөбнэ хургъллгэн шидрäs эклхмн. Терүг бүрдämджтägъяр кехд, көдлмштэртäsнь белдврэн дуусв.

Эн джил 100 хөн болгънас 115 хургъ экäsнь салгъх, хөн болгънас 5 килограмм ноос авх болдж даалгъвр авцхав.

Шидрхн колхозин правлень болн партийн организац социалистическ дөрлдәнä ашинь диглад, түрүн нуурт йовх Окна Санджин бригадт дамджлж өггддг вымпел өгв.

Ода эн бригад хөдэн гару угагъяр хургълулдж авхин кергт зүткджäцхәнä.

И. ЛИДЖИЕВ.